

23 Si France passés outre mer lygustique,  
Tu te verras en isles & mers enclos:  
Mahōmet cōtraire: plus mer Hadriatique:  
Cheuaux & d'asnes tu rougeras les os.

24 De l'entreprinse grande confusion,  
Perte de gens, thresor innumerable:  
Tu ny dois faire encor extension  
France a mon dire fais que sois recordable.

25 Qui au royaume Nauarrois paruiendra  
Quand de Secile & naples seront ioints:  
Bigorre & Landes par Foyx Loron tiendra,  
D'un qui d'Hespaigne sera par trop cōioint.

26 Des rois & princes dresseront simulacres,  
Augures, creuz esleués aruspices:  
Corne, victime d'orée, & d'azur, d'acre:  
Interpretés seront les extispices.

27 Prince Libyque puissant en Occident  
Francois d'Arabe viendra tant enflammer:  
Scauans aux lettres fera condescendent,  
La langue Arabe en Francois translater.

De